

երբեմնանարուածոց դիպուածոց փայտատաց եւ մրճից անհոգանայր, յուսամք զի քեւ զմատանց ելանելեացն ի վեր քայքայլեցուցեր եւ զմիակողմանն սիւն քանդեալ խորտակեցեր, զի լուցկի լիցի ի յետղւոյ իւրում որ է գեհեանն: Պատառեցեր զգործին որսոց, զոր ժողովեալ ժամէր զպարզամտացն միտս ի գայթակղութիւն: Փլեալ խցեր զգարանայեաղն, որ նստեալ վարանէր յափշտակել զաղքատն եւ ձգել զնա: Այլեցեր զբունացելոջն, որ կլանել կամէր զանմեղս եւ ծծել զարիւնս ամբծից: Մանրեցեր զժանիս նորա, որ կամէր կրծել զոսկերս մեռելոց եւ կենդանեաց: Քանզի ո՛վ ոք զհաստատումն նորա կամիցի՝ աստուածամարտիցէ արդեօք. ո՞չ ապաքէն Որդին Աստուծոյ եկն աշխարհ քակել զդժոխս, քանի՛ եւս պարտիմք որդիք մարդկան ջանալ ի քանդումն նորա ըստ կարեաց: Ահա՛ աստանօր նմանեցեր Որդւոյն Աստուծոյ, եւ զի ինքն երանեաց եւ յինքն նմանեցոյց զխաղաղարարն: Իսկ ուր դժոխք է՝ անդ է եւ համայնք նիւթք չարչարանաց զի կոչի եւ տանջանարան իսկ, աղաղակաւ եւ հեծեծանօք, վայիւ եւ եղկութեամբ, վրդովմամբ եւ խռովութեամբ, ի քարչելն վիշապին զերրորդ մասն աստեղաց, որ գեհեանն ոչ շիջանի եւ որդն ոչ մեռանի, եւ հաւանեցեալ քարչեցելոցն է անդ լալ աչաց եւ կրճել ատամանց:

Արդ՝ զմերս շնորհակալութիւնս առ քեզ օրհնաբանականս ո՞րպէս կարիցուք ի բաւականութիւնս առ ի ընծայումն, քանզի եթէ մեք լուեսցուք՝ ահա՛ տնկեցան որպէս զարձանս թագաւորաց, երեւեցան որպէս զքաղաք որ ի վերայ լերին աղաղակին ի քարանց ի յօրհնութիւն քեզ նարդենիս հասեալ գործոյդ: Եւ գոհաբանականս ի մէնջ ըստ նարդեանս, որով նմանութեամբ որպէս ոմն որ ազատեալ ի բաց լպրծիցէ ի ժանեաց վիշապէ եւ անդնդային դժոխոց, զի ամենայն